

<< ԵՐԵՎԱՆԻ ԼԵՈՅԻ ԱՆՎԱՆ Հ.65 ԱՎԱԳ ԴՊՐՈՑ >> ՊՈԱԿ

**ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ
ԴԱՍԸՆԹԱՑԻ ՀԵՏԱԶՈՏԱԿԱՆ ԱՇԽԱՏԱՆՔ**

Առարկա **Անգլերեն**

Մասնակից՝ Սառա Անանիկյան

Դեկավար՝ Գայանե Վարդանյան

Թեմա՝ **Քառապաշարի ուսուցում**

Երևան 2023

ԲՈՎԱՆԴԱԿՈՒԹՅՈՒՆ

Ներածություն -----	3
Գլուխ 1	
Բառապաշարի ուսուցումը օտար լեզուների դասավանդման մեթոդիկայում-----	4
1.1 Բառապաշարի ընտրության սկզբունքները-----	6
1.2 Բառապաշարի ուսուցման ձևերը-----	9
Գլուխ 2	
Լեզվանյութի ամրապնդումը բառապաշարային և քերականական վարժությունների միջոցով-----	10
2.1 Բառապաշարի ուսուցումը հաղորդակցման համատեքստում-----	10
2.2 Լեզվական վարժությունների, թեստերի կազմում-----	12
Եզրակացություն-----	13
Օգտագործված գրականության ցանկ-----	14

Ներածություն

Արդի պայմաններում օտար լեզուների իմացությունը, օգտագործումն օրեցօր դառնում է անհրաժեշտություն, նոր մշակույթների և մարդկային նոր հարաբերությունների ձևավորման գործում: Օտար լեզուների իմացությունը դառնում է կարևոր պայման տարբեր մասնագիտություններ ունեցող անհատների համար: Օտար լեզուների իմացությունը հնարավորություն է տալիս շփվելու տարբեր մշակույթների պատկանող մարդկանց հետ, և անկախ տարիքից, այն անհրաժեշտ է դառնում արդի ժամանակներում:

Այսօր օտար լեզվի, հատկապես անգլերենի իմացությունը հասարակության համար դարձել է անհրաժեշտություն: Մեր երկրում անգլերեն լեզվի ուսուցմանը մեծ ուշադրություն է դարձվում: Անգլերենի ուսուցումը պահանջում է յուրահատուկ մոտեցում՝ հաշվի առնելով սովորողների անհատական առանձնահատկությունները, տարիքային խումբը և այլ գործոններ: Մեր երկրում անգլերեն լեզուն սկսում են դասավանդել հիմնականում երրորդ դասարանից: Դասավանդող ուսուցչի կարևորագույն խնդիրներից է յուրահատուկ մոտեցում ցուցաբերել տարբեր տարիքային խմբերում ընտրելու օտար լեզվի մեթոդիկան, հաշվի առնելով սովորողների հետաքրքրությունները, անհատական առանձնահատկությունները և զարգացնել սովորողների հաղորդակցական և այլ կարողությունները:

Այս հետազոտական աշխատանքում անդրադարձել են բառապաշարի ուսուցմանը, որը կարելի է սահմանել որպես լեզվական նյութի, գիտելիքի օգտագործման կոմպետենցիա, բառապաշարի ուսուցման առանձնահատկություններին որպես հաղորդակցության հիմնական մասերից մեկին:

Բառապաշարի ուսուցումն անգլերեն լեզվում նպաստում է սովորողների հաղորդակցման նպատակների իրականացման անհրաժեշտությամբ:

Հետազոտության առարկան հանդիսանում է հանրակրթական դպրոցի սովորողների մոտ անգլերեն լեզվի քերականական նյութի և բառապաշարի գործածման ձևավորումը և զարգացումն: Այս հետազոտական աշխատանքը կազմված է հետևյալ մասերից

- Ներածություն
- Գլուխ 1
- Գլուխ 2
- Եզրակացություն
- Օգտագործված գրականության ցանկ

Գլուխ 1

Բառապաշարի ուսուցումը օտար լեզուների դասավանդման մեթոդիկայում

Տեղեկատվության ընդունումն ու հաղորդումը, ինչպես նաև ցանկացած խոսքային գործունեություն հնարավոր չէ լիարժեք կազմակերպել առանց բառապաշարի առկայության: Բառապաշարի ուսուցումը, հատկապես օտար լեզվի պարագայում, ուսուցման կարևորագույն խնդիրներից մեկն է: Այս հարցը մանրամասնորեն ուսումնասիրվել է տարբեր մեթոդիստների կողմից՝ Մ.Գ.Աստվածատրյան, Գեյզ, Բերման, Ֆոլոմկինա և ուրիշներ:

Բառապաշարի տիրապետումը երեխայի խոսքի զարգացման հիմքն է կազմում, քանի որ հենց բառապաշարում է արտացոլվում խոսքի բովանդակությունը: Այս պարագայում բառապաշարի ձևավորումը պետք է իրականացնել մանկության շրջանում, որն էլ հետագայում կնպաստի երեխայի կապակցված խոսքի զարգացմանն ու հարստացմանը:

Անգլերեն բանավոր խոսքի ուսուցման գործընթացի արդյունավետությունը լիովին ապահովելու համար կարևոր է առանձնացնել լեզվական կոմպետենցիայի այն բաղադրիչները, որոնք կիրառվում են անգլերեն լեզվի բանավոր և գրավոր խոսքում: Դրանք են՝ բառապաշարը, քերականությունը և հնչյունաբանությունը:

Եվ քանի որ մեր աշխատանքի թեման է << Բառապաշարի ուսուցումը >>, ուստի մենք առավելագույնս կխոսենք բառապաշարի ընտրության սկզբունքների, ուսուցման ձևերի և մոտեցումների մասին:

Նախքան բառապաշարի ուսուցումը կազմակերպելը անհրաժեշտ է մշակել մի ռազմավարություն, որը ներառում է հետևյալ փուլերը՝

- Բառի ներկայացում / բացատրում
- Բառի մտապահում / ամրապնդում
- Բառի գործածումը հաղորդակցության մեջ

Տարրական դասարաններում հիմք է դրվում աշակերտների մոտ բառապաշարի ուսուցման և հարստացման գործընթացին, որի միջոցով ընդլայնվում է սովորողների մտահորիզոնը, ձեռք են բերվում նոր գիտելիքներ: Այդ պրոցեսը իրականացվում է բառակազմական, բառի մասին բացատրման և նրա ճիշտ գործածման վերաբերյալ վարժանքների միջոցով: Այդ նպատակով արդյունավետ է կատարել ճանաչողական և ստեղծագործական բնույթի վարժություններ: Կրտսեր դպրոցական տարիքում սովորողին պետք է վարժեցնել տեքստում ճանաչել նոր բառը, բառարանում գտնել անծանոթ բառի բացատրությունը և այն փորձել կիրառել՝ կազմելով նոր բառեր ու բառակապակցություններ, ինչպես նաև՝ նախադասություններ: Միջին դպրոցում սովորողները ծանոթանում են առավել բարդ և ծավալուն տեքստերին: Այս դեպքում նրանք կատարում են բազմաբնույթ առաջադրանքներ՝ սահուն ընթերցել տեքստը, վերլուծել նրա իմաստը, հստակ պատասխանել ուսուցչի հարցերին, փորձել արտահայտել սեփական կարծիքը այս կամ այն թեմայի շուրջ: Իսկ արդեն ավագ դպրոցում սովորողները պետք է կարողանան լիարժեք հաղորդակցվել իրենց հասակակիցների հետ օտար լեզվով, ներկայացնեն իրենց մտքերն ու պահանջները, կատարեն հետազոտական աշխատանք որևէ առարկայի բնագավառում, դրսևորեն գիտակցական վերաբերմունք ապագա մասնագիտության և ցանկալի աշխատանք ձեռք բերելու ուղղությամբ:

Բառապաշարի ուսուցումը ներառում է հետյալ խնդիրները՝

- Բառապաշարի ընտրություն
- Ընտրված բառապաշարի մեթոդական դասակարգում
- Բառապաշարային նյութի ամրապնդում
- Բառապաշարային նյութի կիրառումը հաղորդակցության մեջ
/ Coljour.files.wordpress.com.2021/

Մեթոդիկայում ուսուցման նպատակներով բառապաշարը դասակարգում են՝ Վերարտադրողական (պրոդուկտիվ) կամ ակտիվ (խոսել, գրել) բառապաշար

Ընկալողական (ռեցեպտիվ) կամ պասիվ(ունկնդրել,ընթերցել) բառապաշար

Ներգոր (պոտենցիալ) բառապաշար

Մ.Գ.Աստվածատրյանը իր << Օտար լեզուների դասավանդման մեթոդիկա>> աշխատության մեջ բազմիցս խոսել է <<հաղորդակցական-լեզվական կոմպետենցիայի մասին, որը կարելի է դիտարկել որպես մի շարք բաղադրիչների ամբողջություն. Լեզվական (linguistic), հանրալեզվական (socio-linguistic) և գործարանական(pragmatic),

որոնցից յուրաքանչյուրն իր հերթին ընդգրկում է գիտելիքներ, կոմպետենցիա>> /Մ.Գ. Աստվածատրյան 2002,57/:

Ըստ Աստվածատրյանի, բառապաշարի պրոդուկտիվ տիրապետումը կապված է մի շարք կոմպետենցիաների հետ,որի համար անհրաժեշտ է կատարել հետևյալ քայլերը՝

- Մտաբերել, գտնել բառը հիշողության մեջ
- Ճիշտ արտասանել բառը և գտնել նրա քերականական ձևը
- Կապակցել այլ բառերի հետ
- Ներառել ընդհանուր համատեքստում

Բառապաշարի ռեցեպտիվ տիրապետումը կապված է հետևյալ կոմպետենցիաների հետ՝

- Ճանաչել և հասկանալ բառային միավորը
- Տարբերել ձևով և արտասանությամբ նման բառերը
- Կռահել ըստ բառակազմական բաղադրիչների

Տարբերակում ենք բառապաշարի երկու հիմնական խումբ՝ իրական /ռեալ/ բառապաշար, որը ներառում է ռեցեպտիվ և պրոդուկտիվ պաշարները, և ներգոր /պոտենցիալ/: Ուսանողները սովորում և ձեռք են բերում ռեալ բառապաշար ուսուցման տարբեր փուլերում: Իսկ այն բառերը, որոնք ուսուցման առարկա չեն եղել, սակայն հնարավոր է կռահել դրանց իմաստները, կազմում են ներունակ կամ պոտենցիալ բառապաշար:

1.1 Բառապաշարի ընտրության սկզբունքները

Միանգամայն պարզ երևում է, որ իրականում հնարավոր չէ իմանալ լեզվի բոլոր բառերը: Դրա համար դպրոցներում դասավանդվող բառապաշարը պետք է լինի սահմանափակ: Խնդիրն այն է, թե ինչ բառեր սովորողները պետք է հիշեն ամբողջ բառապաշարից: Յուրաքանչյուր լեզվում կան հազարավոր բառեր, հետևաբար ինչ բառեր կամ բառակապակցումներ պետք է դասավանդվեն դպրոցում [Ван Дейк, 1985]:

Այս առիթով հարկ է առանձնացնել օտար լեզուների դասավանդման մեջ բառապաշարի ընտրության մի քանի սկզբունքներ: Դրանք են՝

- Հանախականության սկզբունք- Այս դեպքում պետք է ընտրվեն այնպիսի բառեր, որոնք հանախ են օգտագործվում լեզվում: Նման բառերի հանախակի օգտագործումը նպաստում է լեզվի արագ յուրացմանը: Բերենք օրինակներ՝
“Open the window”, “close the door”, “read the lesson”
- Կապակցելիության սկզբունք – Այստեղ սովորողները հաղորդակցվելու համար պետք է կարողանան սահուն և ճիշտ ձևով կապակցել բառերը, կազմել դրանցով իմաստալից արտահայտություններ ու նախադասություններ: Օրինակ՝
to do(անել)-to do housework, to do harm(տնային գործերով զբաղվել,վնաս պատճառել)
Ընտրված բառերը պետք է ավելի հանախ օգտագործվեն դպրոցական թեմաներում՝ դրանք զուգակցելով այլ բառերի հետ: Օրինակ՝
Family: father, mother, sister, brother (ընտանիք՝ հայր, մայր, քույր, եղբայր):
- Բառակազմական արժեքի սկզբունք- Այստեղ բառերը պետք է ունենան բառակազմական բարձր արժեք, այսինքն՝ դրանք արդյունավետ լինեն սովորողի բառապաշարը հարստացնելու համար: Օրինակ՝
help-helpful, helpless
colour- colourful, colourfulness
- Բազմիմաստության սկզբունք- Այս սկզբունքով նվազագույն բառապաշարի համար ընտրվում են այն բառերը, որոնց առաջնային իմաստներն առավել գործածական են: Տվյալ դեպքում միևնույն բառը կարող է արտահայտել մեկից ավելի իմաստ: Դա արդեն մենք կարող ենք հասկանալ կոնտեքստի բովանդակությունից:
Օրինակ՝ table-1.սեղան, 2.հացկերույթ, 3.աղյուսակ, 4.սարահարթ, 5.տախտակ, 6.երկար ժամանակով հետաձգել,
bottle- 1. շիշ, 2.շշերի մեջ լցնել, 3.թաքցնել
- Հասկացությունների նկարագրման սկզբունք- Այս սկզբունքով ակտիվ նվազագույնի համար ընտրվում են այն բառերը, որոնցով կարելի է արտահայտել ավելի շատ արտահայտություններ: Օրինակ՝
Thing, part, point, target, issue
- Ոճական չեզոքության սկզբունք- Այստեղ ընտրված բառերը պետք է լինեն ոճապես չեզոք, քանի որ դպրոցներում ոճական խնդիրները չեն շոշափվում:
Օրինակ՝ play, morning, work, home, live, go
Ընտրված բառերը կարելի է խմբավորել երկու դասի՝
1. կառուցվածքային բառեր, որոնք կազմում են լեզվի ձևը և կառուցվածքը,
2. անվանական բառեր, որոնք արտահայտում են իմաստ և մենք դրանք կիրառում ենք խոսքում:

Բացի դրանից պետք է հաշվի առնենք, որ յուրաքանչյուր բառ ունի իր ձևը,

իմաստը և օգտագործումը: Կան որոշ բառեր, որոնք դժվար են ձևով, բայց հեշտ՝ կիրառման մեջ: Օրինակ՝ beautiful, daughter, teacher, cousin (գեղեցիկ, դուստր, ուսուցիչ, զարմիկ):

Կան այնպիսի բառեր, որոնք հեշտ են գրելաձևով, բայց դժվար են օգտագործման մեջ: Օրինակ՝ seem, get, happen, think (թվալ, ստանալ, պատահել, մտածել):

Բառերը կարող են լինել նաև կոնկրետ, վերացական և կառուցվածքային: Կառուցվածքային բառեր սովորելը բավականին դժվար է: Այդ իսկ պատճառով ուսուցիչը պետք է դասակարգի դրանք ըստ յուրացման դժվարությունների:

Ամերիկացի հոգեբան Բենջամին Բլումը առանձնացնում է ուսումնական նպատակների դասակարգման մասին ուսմունքը, որը հայտնի է

<< տաքսոնոմիա >>/ աստիճանակարգում/անվամբ: Այն իրականացվում է հետևյալ փուլերի հաղթահարման ընթացքում՝

- Գիտելիք- մտապահում և վերարտադրում է նյութը
- Ընկալում- կարող է նկարագրել կապերը առկա երևույթների միջև
- Կիրառում- օգտագործում է սովորածը
- Վերլուծություն- տարանջատում և դասակարգում է նյութը
- Համադրություն- սովորողն ինքն է կազմում և ստեղծում արժեքավոր նյութ
- Գնահատում- կարողանում է դատողություններ անել և գտնել նպատակահարմար լուծումներ

Իր բազմամյա ակտիվ մանկավարժական գործունեության ընթացքում Բլումը եկել է հետևյալ եզրահանգման.<< Այն, ինչ կարող է սովորել ինչ-որ մեկը, կարող են սովորել բոլորը: Ամեն ինչ կախված է նախորդ և ներկա ուսուցման պայմաններից և միջավայրից>>:

Ըստ նրա՝ յուրաքանչյուր ուսուցման միջավայրում շատ կարևոր է սկսել ամենացածր մակարդակից և աշխատել բուրգի մակարդակների աստիճանաբար ապահովման ուղղությամբ:

1.2 Բառապաշարի ուսուցման ձևերը

Սովորողի կողմից լեզուն առավել արդյունավետ յուրացնելու ոճով է պայմանավորված ուսուցման ձևերի ընտրությունը: Եվ պատահական չէ, որ աշակերտների մեծ մասը նախընտրում է աշխատել << աշակերտակենտրոն >> ոճով: Նման դեպքում սովորողները փորձում են իրենց վրա վերցնել նյութի ծանրությունը: Մնացած մասը կարողանում են նյութը հեշտությամբ մտապահել տեսողական հիշողությամբ:

Եթե ուսուցումն իրականացվում է խմբային, դասարանային կամ լսարանային պայմաններում, ապա ուսուցման գործընթացը առավել ընդլայնվում է՝ կապված նոր նյութի ծավալի և բարդության հետ:

Մեկից ավելի սովորողների հետ աշխատելիս անհրաժեշտ է լինում ,մեկ դասաժամի ընթացքում անցում կատարել տարբեր ոճերի, այսինքն՝ աշխատել դասավանդման տարբեր մեթոդների համակցմամբ:

Ինչպես նկատեցինք, լեզվաբանական իրազեկությունը ներառում է գիտելիքներ ու կոմպետենցիաներ բառապաշարի, հնչյունաբանության, շարահյուսության, ինչպես նաև լեզվի այլ առանձնահատկությունների մասին:

Այս տեսանկյունից անհրաժեշտ է ուշադրություն դարձնել ոչ միայն բառապաշարի ներմուծմանն ու հարստացմանը, այլ նաև՝ քերականական նոր նյութի բացատրմանը, առանց որի հնարավոր չէ կազմակերպել ճիշտ կապակցված խոսքի ամրապնդումը:

Այսօր, երբ սովորողների հետաքրքրությունները բազմազան են, կարևոր է օտար լեզվի ուսուցումը հանելի ու հետաքրքիր կազմակերպելը:

Այս առիթով նոր բառեր ներմուծելիս չպետք է բավարարվենք միայն ուսուցման ավանդական մեթոդներով ու միջոցներով, այլ փորձենք ներկայացնել առավել մատչելի ու հետաքրքիր լուծումներ բառապաշարը ուսուցանելու հաղորդակցական միջավայրում:

Այսպիսով, բացահայտելով բոլոր լեզուների համար ընդհանուր, առանցքային բաղադրիչները, անհրաժեշտ է հստակ տարանջատել նպատակները. վերջնական նպատակներից բացի սահմանել նաև միջանկյալ նպատակներ՝ յուրաքանչյուր դասարանի համար, և մասնավոր նպատակներ՝ յուրաքանչյուր դասի համար:

Սույն գլխում փորձեցինք մանրակրկիտ կերպով ներկայացնել բառապաշարի ընտրության սկզբունքները և դրանց ուսուցման ձևերն ու մոտեցումները:

Գլուխ 2

Լեզվանյութի ամրապնդումը բառապաշարային վարժությունների միջոցով

2.1 Բառապաշարի ուսուցումը հաղորդակցման համատեքստում

Բառապաշարային գիտելիքները զարգացնող ռազմավարությունը անընդհատ փոփոխվում է, համալրվում նոր վարժություններով, ժամանակի հետ փոփոխվում են նաև ուսուցման մեթոդները, նաև՝ հասարակության պահանջները:

Բառապաշարի ուսուցումը լեզվակրթության հիմքն է, առանց որի անհնար է տվյալ լեզվով հաղորդակցվելը: Հաղորդակցությունն առավել արդյունավետ կարելի է զարգացնել բառապաշարի հարստացմամբ և ճիշտ կիրառմամբ: Այստեղ ևս կարևորվում են սովորողների քերականական, հնչյունաբանական գիտելիքները և հանրամշակութային խոսույթային կոմպետենցիաները: Ներկա ժամանակներում սովորողները բազմապիսի նպատակներ ու հետաքրքրություններ ունեն օտար լեզուներ ուսուցանելու նկատմամբ: Այդ իսկ պատճառով էլ անհրաժեշտ է նման գործընթացը կազմակերպել հաճելի և բարենպաստ միջավայրում: Նոր բառեր ներմուծելիս չպետք է բավարարվենք միայն ավանդական մեթոդներով, այլ փորձենք ներկայացնել նոր և հետաքրքիր տարբերակներ՝ բառապաշարը նոր և հաղորդակցական համատեքստում ուսուցանելու համար:

Հաղորդակցությունը տեղեկությունների փոխանցման գործընթաց է, որն իրականացվում է ժեստերի, դենքի արտահայտությունների, խոսքի, հեռախոսի, հեռուստացույցի, փոստային հաղորդագրությունների և այլնի միջոցով: Հաղորդակցությունը շատ ավելին է, քան պարզապես ինֆորմացիայի (տեղեկատվության) տրամադրումը: Հաղորդակցությունը տեղի է ունենում, երբ << ինչ- որ մեկը հաղորդագրություն է ուղարկում, իսկ մյուսը ստանում է այն >> [Petrie, 2011,23]:

Տվյալ դեպքում ուսուցչի և աշակերտի զրույցը չի կարող միայն դիտվել որպես արդյունավետ հաղորդակցություն նրանց միջև: Աշակերտների միջև շփումը նույնպես կարևոր դեր ունի դասարանում:

Թերերը և Կրաշենը /1983 / սահմանել են հաղորդակցման կոմպետենցիան որպես լեզվի օգտագործում սոցիալական հաղորդակցություններում, առանց քերականական վերլուծության: Նրանք հաղորդակցական կոմպետենցիան կապում էին շփման հետ և հատուկ ուշադրություն չէին դարձնում քերականական կոմպետենցիային: Դա նշանակում է

, որ հաղորդակցական կոմպետենցիան առավելագույնս դրսևորվում է շփման մեջ, որի զարգացումը, համարվում է լեզվի ուսուցման հիմնական նպատակը:

Օտար լեզուներ ուսուցանելիս հաղորդակցական զարգացումն ընդգրկում է մի շարք կարևոր գործընթացներ՝

- Նոր տեղեկատվության ընկալում
- Մտապահում
- Ճանաչում
- Մշակում
- Փոխանցում

Դրանցից յուրաքանչյուրը ֆիզիկական և մտավոր գործողությունների համադրություն է՝ պայամանավորված մի շարք գործոններով (սովորողի տարիքը, մտավոր ներուժը, աշխարհայացքը, լեզվամտածողությունը և այլն):

Նոր բառապաշարի ներմուծման և ամրապնդման համար անհրաժեշտ է ստեղծել փոխներգործուն միջավայր: Եկեք դիտարկենք հետյալ վարժությունը՝

“ Guess the meaning” (<< Կռահի՛ր իմաստը>>):

Այստեղ ուսուցիչը նախապես ներկայացնում է թեման, որից հետո առաջարկում է աշակերտներին ակտիվորեն մասնակցել տվյալ հարցի քննարկման շուրջ: Այն իրականացվում է մի քանի փուլերով՝

Փուլ 1. Ուսուցիչը գրատախտակին գրում է մի ասույթ, որում բաց է թողնված բառը, օրինակ՝ “ A tree is known by its ... /fruit/ ”

Փուլ 2. Ուսուցիչը սովորողներին առաջարկում է կռահել բառը:

Հնչում են բազմաթիվ պատասխաններ: Ի վերջո ընտրվում է ճիշտ տարբերակը:

Փուլ 3. Երբ լրացվում է բաց թողնված բառը՝ fruit, ուսուցիչը առաջարկում է սովորողներին պարզաբանել ասույթի իմաստը:

“ A tree is known by its fruit ”.

<< Ծառը պտղով են ճանաչում>>, կամ << Պտուղը ծառից հեռու չի ընկնում>>:

Այնուհետև սովորողները բերում են տարբեր օրինակներ, ներկայացնում պատմություններ, որոնք առնչվում են տվյալ ասույթի հետ:

Բանավոր խոսքում հաճախ ենք ունենում զրույցներ, երկխոսություններ, որոնցում յուրաքանչյուր միտք կարող է արտահայտվել մեկ կամ մի քանի բառով: Օրինակ՝ “ Coffee”, “ Milk”?

“ Thank you!”

“ With pleasure!”

Նմանատիպ գրույցները հնարավոր են, սակայն դրանք կարճ են և օգտագործվում են մեր առօրյա կյանքում:

Ինչպես վերը նշեցինք, բառանյութն ընտրելիս կամ ներմուծելիս էական դեր ունի հաղորդակցության թեման: որը պետք է լինի արժանահավատ (authentic) և սովորողներին հետաքրքիր:

2.2 Լեզվական վարժությունների, թեստերի կազմում

Ստուգման և գնահատման ընդունված միջոցներից է թեստը /ստուգում/: Թեստը իր մեջ ընդգրկում է տարբեր առաջադրանքներ: Թեստային ստուգումն ունի հետևյալ նպատակները՝

- հնարավորություն է տալիս ուսուցչին փոքր բաժիններով ստուգել մեծածավալ ուսումնական նյութը
- գնահատել սովորողի ուսուցանվող նյութի յուրացման աստիճանը
- նվազեցնել սուբյեկտիվ գործոնի դերը
- ապահովել հաղորդակցական ուղղվածություն
- ընդգրկել խոսքային գործունեության բոլոր տեսակները

Ստորև ներկայացնում ենք աշակերտներին տրվող թեստային առաջադրանքները՝

I .Fill in the correct preposition.

1. We're going _____ Majorka next week. [Penguin Books,1995]
2. He talks _____ golf all the time.
3. She met her husband _____ a party.
4. My flat is _____ the third floor.
5. The Eiffel Tower is _____ Paris.

II. Gap-filling(լրացում)

Complete the text using the following words: alive , powerful , protect , dead.

I live with my grandmother. She is a very _____ person. She always tells her rules.

When my grandfather was _____ he always _____ me. But now he is _____

III. Match the parts of the sentences.

- | | |
|---------------------------------------|--------------------------------|
| 1. I'm going to the zoo..... | a. to travel abroad. |
| 2. Let's go to the travel agent | b. to wash my hands. |
| 3. You need a passport | c. to see the wild animals. |
| 4. I need some soap | d. to book our summer holiday. |
| 5. I need a ruler | e. to draw straight lines. |

[Penguin Books, 1993]

Եզրակացություն

Հետազոտական աշխատանքի արդյունքում պարզաբանվեց հետևյալ կարևոր հարցերը՝

- Մշակել թեմայի վերաբերյալ մանկավարժների մոտեցումները և ուսումնասիրությունները:
- Սովորողների տարիքային առանձնահատկություններից ելնելով՝ ցույց տալ ուսուցանվող նյութը՝ համապատասխան մեթոդներով:
- Բառապաշարի ուսուցման ընթացքում առաջացած խնդիրները հաշվի առնելով՝ գտնել լուծման եղանակները:
- Անգլերեն լեզվի ուսուցման ընթացքում զարգացնել սովորողների լեզվական և հաղորդակցական ունակությունները:
- Մշակել լեզվի յուրացմանը նպաստող նոր մեթոդներ՝ հաշվի առնելով սովորողների անհատական առանձնահատկությունները:
Այսպիսով, օտար լեզուների ուսուցման նպատակն է զարգացնել բանավոր և գրավոր հաղորդակցումը:
Այսօրվա մանկավարժի խնդիրն է սովորողի համար ստեղծել այնպիսի միջավայր, որպեսզի սովորողը կարողանա մտածել, վերլուծել, արտահայտել սեփական կարծիքը թեմայի վերաբերյալ : Սա հնարավորություն կտա սովորողին հաղորդակցվել համաշխարհային մշակույթին, ծանոթանալ այլ ազգերի պատմությանը և հաղորդակցվել օտար լեզվով:

Գրականության ցանկ

1. Աստվածատրյան Մ.Գ.Օտար լեզուների դասավանդման մեթոդիկա, << Լույս >> Հրատարակչություն, Երևան, 1985թ., 390 էջ
2. Allen V.F. Techniques in Teaching Vocabulary. Oxford University Press, 2003
3. Thornbury S. How to teach Vocabulary .-London: Pearson Education Limited, 2010
4. MIT press. Coljour.files.wordpress.com.2021
5. Krashen, Stephen D., and Tracy D. Terrell. “ The natural approach: Language acquisition in the classroom.”(1983)
6. Petrie, P(2011). Communication Skills for Working with Children and Young People: Introducing Social Pedagogy (3rd ed.) London. Jessica Kingsley Publishers.
7. Peter Watcyn-Jones “ Grammar Games and Activities for Teachers”, London, Penguin Books, 1995
8. Peter Watcyn-Jones “ Vocabulary Games and Activities for Teachers”, London, Penguin Books
9. Ван Дейк. Язык. Познание. Коммуникация. - М.,1985